



Bahan asal dari Arkeb  
Negara Malaysia

● PERDANA Menteri, Datuk Seri Dr Mahathir Mohamad (kiri) mengadakan perbincangan dengan rakan sejawatnya dari Turki, Enik Bulend Ulusu di Kuala Lumpur, semalam.

## Kita dan Turki setuju adakan hubungan dagang terus

KUALA LUMPUR, Isnin — Malaysia dan Turki bersetuju mengadakan hubungan perdagangan secara terus tanpa melalui pihak ketiga.

Dalam hubungan ini, satu perjanjian pengangkutan perkapalan akan ditandatangani oleh kedua negara, tidak lama lagi.

Ketua Setiausaha Kementerian Luar, Tan Sri Zakaria Ali berkata, butir-butir perjanjian itu sedang dikaji oleh pegawai-pegawai kedua negara.

Pada masa ini, beberapa kemajuan telah dicapai dalam hasil rundingan itu dan hanya tinggal beberapa perkara kecil yang masih belum selesai.

Bellau memberitahu pemberita demikian setelah Perdana Menteri, Datuk Seri Dr Mahathir Mohamad dan beberapa menteri kabinet serta pegawai kanan kerajaan mengadakan perbincangan dengan Perdana Menteri Turki, Enik Bulend Ulusu dan rombongan di sini petang ini.

Dalam perbincangan lebih dua jam itu, mereka membincangkan berbagai perkara kepentingan bersama termasuk mengenai masalah ekonomi dan perdagangan.

Tan Sri Zakaria berkata, kedua negara menyambut baik cadangan mengadakan perjanjian pengangkutan perkapalan itu untuk menyediakan kemudahan yang lebih dalam mewujudkan perdagangan secara terus antara kedua negara itu.

Dengan cara ini, barangan yang dijual antara kedua negara akan dapat dilaksanakan secara maksimum.

Ini ditambah pula dengan jaminan Turki untuk membeli lebih banyak getah dan minyak sawit secara terus dari Malaysia.

Tan Sri Zakaria berkata, Datuk Seri Dr Mahathir mengalu-alukan langkah Turki untuk membeli kedua bahan itu dari Malaysia kerana minyak sawit adalah dianggap dagangan baru kepada Turki.

Dalam hubungan ini, Malaysia menjangkau pakar-pakar teknikal Turki untuk melawat negara ini dan mengkaji berbagai aspek teknikal dan mutu berhubung dengan keluaran bahan itu.

Malaysia juga mengalu-alu lawatan pengusaha dan peniaga Turki ke negara ini untuk meninjau kemungkinan mengadakan projek usaha sama antara rakan sejawat mereka di sini.

Ketua Setiausaha itu juga berkata, satu perjanjian kebudayaan antara kedua negara akan ditandatangani tidak lama lagi oleh kedua negara di mana butir-butir yang dipersejutui beberapa tahun lalu hampir disiapkan.

Pertukaran kebudayaan antara rakyat dan pelajar kedua negara terus dijalankan.

Turki juga bersetuju dengan cadangan Malaysia untuk mengadakan pertukaran bertali antara Bernama dan agensi beritanya, Anabolu Rundingan akan diadakan mengenainya.